

远 代 世 纪

黄帝者，少典之子，姓公孙名曰轩辕。生而神灵，弱而能言，幼而徇齐，长而刻敏，成而聪明，修德振兵，治五气、艺五种、抚万民、度四方，教熊、罴、貔、貅、虎以与炎帝战于阪泉之野。黄帝居轩辕之丘，而娶于西陵之女是为嫫祖，为正妃，生二子，昌意、玄囂，玄囂生乔极，乔极生高辛是为帝。帝娶邰氏女曰姜原是为正妃，生子后稷名弃，弃儿时屹如臣人之志，成人遂好耕农，相地之宜，生子不窟，不窟之子鞠立，鞠立之子公刘，公刘务耕种，行地宜，自漆沮度渭，取材用，行者有资，居者有畜积，周道之兴自此始，故诗人歌乐思其德，生子庆节，庆节之子皇仆，皇仆之子差弗，差弗之子毁隃，毁隃生子公非，公非之子高圉，高圉之子亚圉，亚

圉之子公叔祖类，公叔祖类之子古公胆父，生子三长太伯、虞仲、太姜生少子季历，季历娶太任，皆贤妇人，季历之子昌立是为西伯曰文王，文王之子姬发是为武王，武王之子诵是为成王，成王娶刘氏生子钊是为康王，钊娶姜氏生子瑕是为昭王，娶熊氏生子满是为穆王，娶姚氏生子繄扈是为共王，娶陈氏生子囂是为懿王，娶金氏生子燮是为夷王，娶陶氏生子胡，胡公娶熊氏生子静是为宣王，宣王娶姜氏生子宫涅是为幽王，幽王之子宜臼是为平王，以奉周祀，辟戎寇东迁于洛，平王娶姚氏生烈，烈未立而卒，娶陶氏生子林是为桓王，林公娶陈氏生子佗是为庄王，娶刘氏生子胡齐，胡齐生子阍是为惠王，娶姒氏生子郑，郑娶申氏生子王臣是为顷王，娶陶氏

生子二班、瑜，瑜公是为定王生子夷，夷公是为简王，娶姚氏生子泄心，泄心是为灵王，娶陈氏生子贵是为景王，娶刘氏生子二丐、朝，丐公是为敬王生子二仁、义，仁公是为元王娶妣氏生子介，介公是为定王生子四长去疾、次叔、三嵬攻、四揭，嵬攻是为考王娶陈氏生子午，考王封其弟揭于河南是为桓王，以续周公之官职，桓公娶胡氏生子威显，桓公卒于威公立，威公娶刘氏生子惠公号世叔。